

KERATAN AKHBAR

TARIKH : 28 JULAI 2023
AKHBAR : SINAR HARIAN
MUKA SURAT : 2

Sasar 30 ekonomi terbesar

Sasar 30 ekonomi terbesar

PM lancar Ekonomi Madani tingkat kualiti hidup rakyat

KUALA LUMPUR

Malaysia menyasar meningkatkan ekonominya menjadi antara 30 ekonomi terbesar di dunia dalam tempoh 10 tahun.

Perdana Menteri, Datuk Seri Anwar Ibrahim berkata, tumpuan utama adalah untuk menstruktur semula ekonomi bagi menjadikan Malaysia sebagai peneraju ekonomi Asia.

"Jika kita hanya berpuas hati dengan keadaan sekarang, ekonomi akan terus mencatat pertumbuhan antara 4 hingga 5 peratus."

"Namun, jika kita berusaha gigih dan melaksana pembaharuan, kita mampu mencapai 5.5 peratus, malah saya percaya tidak mustahil kita menghasilkan pertumbuhan 6 peratus," katanya semasa berucap melancarkan kerangka Ekonomi Madani: Memperkasakan Rakyat di sini pada Khamis.

Hadir sama pada majlis itu ialah anggota Jemaah Menteri, agensi kerajaan, pakar ekonomi dan tokoh industri.

Malaysia berada pada kedudukan ke-37 ekonomi terbesar dunia dari segi Keluaran Dalam Negara Kasar (KDNK) mengikut data Bank Dunia 2022.

Anwar yang juga Menteri Kewangan berkata, negara perlu membentuk



Anwar (tengah) bersama Jemaah Menteri pada majlis peluncuran Ekonomi Madani di Suruhanjaya Sekuriti Malaysia, Kuala Lumpur pada Khamis.

integrasi ekonomi yang lebih besar dengan negara jiran ketika dunia sedang berdepan kekangan rantaian bekalan.

"Kita perlu melahirkan lebih banyak syarikat tempatan yang berdaya saing tinggi untuk menembusi pasaran ASEAN," ujarnya.

Menurut Perdana Menteri, Ekonomi Madani yang bertujuan mengangkat semula ekonomi Malaysia, akan membawa limpahan hasil bagi membolehkan rakyat menikmati kehidupan lebih berkualiti.

Kata Anwar, Ekonomi Madani adalah satu rencana menyeluruh bagi Malaysia menghadapi pelbagai cabaran dan isu berkaitan daya saing dan tarikan negara sebagai destinasi pelaburan. Ia juga tambahnya, menggariskan tindakan bagi menangani isu-isu semasa yang memberi kesan kepada kehidupan rakyat.

"Ia perihai mengangkat semula

martabat negara dengan dua tumpuan utama iaitu menstruktur semula ekonomi ke arah Malaysia sebagai peneraju ekonomi Asia, dan akhirnya memberi limpahan hasil kepada rakyat untuk menikmati kehidupan yang lebih berkualiti," kata beliau.

Selain meletakkan Malaysia sebagai antara 30 ekonomi terbesar dunia, Ekonomi Madani juga menetapkan enam penanda aras lain yang mahu dicapai dalam tempoh 10 tahun.

Ini termasuk menyasarkan tangga ke-12 dalam Indeks Daya Saing Global, pendapatan buruh mencapai 45 peratus daripada jumlah KDNK, kadar penyertaan wanita dalam tenaga buruh mencapai 60 peratus, Indeks Pembangunan Manusia berada di tangga 25 teratas dunia, Indeks Persepsi Rasuah di tangga 25 teratas dunia dan kemampuan fiskal dengan defisit fiskal mencapai 3 peratus atau lebih rendah.

30 EKONOMI TERBESAR DUNIA 2022

1. Amerika Syarikat	RM112.128 trilion
2. China	RM82.630 trilion
3. Jepun	RM19.463 trilion
4. Jerman	RM18.732 trilion
5. India	RM15.571 trilion
6. United Kingdom	RM14.125 trilion
7. Perancis	RM12.801 trilion
8. Rusia	RM10.305 trilion
9. Kanada	RM9.843 trilion
10. Itali	RM9.247 trilion
11. Brazil	RM8.832 trilion
12. Australia	RM8.706 trilion
13. Korea Selatan	RM7.660 trilion
14. Mexico	RM6.505 trilion
15. Sepanyol	RM6.428 trilion
16. Indonesia	RM6.067 trilion
17. Arab Saudi	RM5.097 trilion
18. Belanda	RM4.559 trilion
19. Turkiye	RM4.167 trilion
20. Switzerland	RM3.715 trilion
21. Poland	RM3.165 trilion
22. Argentina	RM2.910 trilion
23. Sweden	RM2.695 trilion
24. Norway	RM2.664 trilion
25. Belgium	RM2.661 trilion
26. Cuba	RM2.508 trilion
27. Ireland	RM2.434 trilion
28. Israel	RM2.401 trilion
29. Emiriyah Arab Bersatu	RM2.334 trilion
30. Thailand	RM2.278 trilion
37. MALAYSIA	RM1.869 trilion

Sumber: Bank Dunia berdasarkan KDNK negara